

Slingesbei. pferunt, à quibus orti sunt *Slingesbei*, qui hanc *Forrestariam* ab Edwardo Tertio acceperunt, & ad hunc usque diem hic clarent. Hæc *Nidus* prætervectus, non procul ab *Allerton*, sede Equestris familiæ antiquæ sane, & celebris *Malliverorum*, qui in antiquis scriptis *Mali Leporarii* dicuntur, post breve iter *Ousam* obvium undis suis adauget.

Vre. *Vre* autem ex his Occiduis item montibus, sed in altera regionis parte, scilicet in *Northriding* emanans, cum hoc nomine Septentrionalem agri partem irrigarit, paulo antequam ad *Rippon* pervenit, sit limes inter Septentrionalem & Occidentalem hujus provinciæ partem. *Rippon* vero illud, Saxonice *hrippun*, inter *Vrum* & *Skell* fluvium locatum, religioni suam dignitatem debet, in primis monasterio à Wilfrido Eboracensi Archiepiscopo, in primitiva Anglorum ecclesia constructo, *miro*, ut inquit Malmesburiensis, *fornicum inflexu, lapidum tabulatu, porticumque anfractu*, quod postea Dani, cum nec divinis, nec humanis præ impotenti rabie parcerent, una cum oppido exciderunt. Denuo tamen instauratum floruit opera Odonis Archiepiscopi Cantuariensis, qui maximus mystagogus Wilfridi reliquias hinc Cantuariam transtulit. Sed à Normannico imperio potissimum viguit, cum, ut inquit ille, monachorum castra copiosius extrui cœpissent, tunc enim & oppidum sub suo magistratu, quem antiquo Saxonico vocabulo *Wakeman*, quasi *Excubitorem* vocant, & lanificii industria, quæ hodie valde remissa est, inclaruit; & monasterium sub Eboracensium Præsulum tutela mirum in modum florere cœpit. Templumque sane perelegans nobilium vicinorum, & sui Thesaurarii impensis positum, quod tribus excelsis pyramidibus, & advenientibus quasi gratulatur, atque *Fontibus* opulento cœnobio à Thurstino Eboracensi Archiepiscopo in conspectu fundato æmularatur. Ad alteram hujus Templi partem Cantorum Collegiolum ab Henrico *Both* Archiepiscopo Eboracensi constructum vidimus: ab altera parte tumulum terreum satis grandem *Hilshow* dicunt, quem à Danis aggestum perhibent. In ipso templo avorum memoria Wilfridi acus celeberrima fuit, id erat angustum in cryptoportu foramen quo mulierum pudicitia explorabatur, quæ enim castæ erant, facile transibant, quæ dubia fama, nescio quo miraculo constrictæ detinebantur. *Fontium* illi monasterio (*Fountains* nos vocamus, quod uberrimo agro amœnissime positum, & plumbi venas in proximo habet) originem dederunt duodecim monachi Eboracenses, qui cum astrictiore vitæ genere Deo inservire arderent, sua claustra deseruerunt. Quibus post multas molestiarum messes hoc monasterium Thurstinus Archiepiscopus Eboracensis construxit. Horum non meminissim, nisi D. Bernardus eorum institutum tantopere in suis epistolis approbasset.

Burrow-bridge. *Vro* non multo inferius ad fidet exiguum oppidulum *Burrowbridge* appellatum, à ponte quo flumen jungitur, qui nunc pons è vivo saxo sublimis & eximius est; sublicium autem Edwardi Secundi tempore videtur fuisse. Legimus enim, cum Anglorum proceres Regem illum & Rempubli- cam agitant, Humfredum de *Bobun* Herefor-
Britannia.

diæ Comitem, dum per hunc transiret, ex rima à milite sub ponte latente, per inguina transossam fuisse. Iuxta hunc pontem ad Occasum in tribus diversis agellis, quatuor vastos lapides pyramidaliforma, sed rudi admodum opera recta quasi linea positos vidimus. Duæ mediæ pyramides, quarum alteram sacra illa auri fames frustra nuper subvertit, fere contiguæ erant, exteriores non magno, sed pari fere interstitio ab his utrinque distant. De his nihil aliud habeo quod dicam, nisi quod cum nonnullis existimem Romanorum fuisse trophæa ad ipsam militarem viam erecta quæ hac duxit. Vulgi enim fabellas, qui has *Cacodæmonum sagittas* vocat, quibus antiquas urbes confixerunt, libens omitto. Non tamen hoc omitto, quod plurimi, & illi quidem docti has non è vivo saxo, sed arena pura, calce, Chalcanto, cujus & granula iis inesse dicunt, & unctuofo aliquo compositas esse existimarint. Cujusmodi cisternas Romæ fuisse ex arena fossitia & vehementissima calce ita constructas meminit Plinius, ut lapides viderentur.

Magis ad Orientem ab hoc ponte *IS-VRIVM* *Is-urium.* *BRIGANTVM* urbs vetusta à præterfluente *Vro* nomine accepto olim floruit, sed multis retro sæculis à fundamentis excisa. Viculus autem qui ejus loco emicuit, ad testandam verustatem, *Ealdburg*, & *Aldborow*, id est, *Antiquus Burgus*, dicitur. Nam in ipsa urbis area restibiles sunt agri & pascua, vix quidem, ut vestigia ejus notari possint. Laboraret certe ipsa Annalium fides, ut hoc *IS-VRIVM* fuisse crederemus, nisi *Vrus* fluminis nomen, Romani nummi assidue eruti, & distantia, quam inter hoc & Eboracum interposuit Antoninus, fidem facerent. Ad *xv* enim milliæ Italicæ hinc defluens *Vrus*, quem Saxones jam *Ouse* dixerunt, quod *Ousburne* amniculum recepit, *EBORACVM* sive *EBVRACVM* urbem interluit, quam Ptolemæus in libro *Magnæ Constructionis* secundo *BRIGANTIVM* vocat, si liber non sit corruptus, quod Brigantium caput esset. *Ninnius Caer Ebrauc*, *Britanni Caer Effroc*, Saxones *Euon-pic* & *Cojon-pic*, nos hodie *Yorke* dicimus. *Historia Britannica* à Rege Ebrauco conditore nominatum prodit; liceat tamen mihi opinari, sine aliorum præjudicio, non aliunde *EBVRACVM* deductum quam ab *Vro* flumine, ita ut sonet *Ad vel Secundum Vrum*: sic *EBVROVICES* Galliæ ad *Eure* flumen, juxta *Eureux* in Normannia confederunt, sic *EBVRONES* Belgici prope *Ourt* flumen in diœcesi *Leodensi*, & *EBLANA* Hiberniæ *Lifny* flumen attingit. *Vrbs* hæc totius Angliæ secunda, hujus regionis pulcherrima, universæque Septentrionali parti, & præsidio, & ornamento est singulari. Amœna, ampla, munita, ædificiis tam privatis, quam publicis exulta, opibus, civibusque referta, & Archiepiscopali sede præclara. *Vrus*, qui nunc *Ouse*, à Septentrionali parte in Meridiem placide delabens, ut dixi, intersectat, & quasi in duas urbes dividit, quæ lapideo ponte, qui inter alios vastissimum omnium quos vidi, fornicem habet, conjunguntur. Pars Occidentalis, quæ minus frequens est, mœnibus pulcherrimis, cum flu. quadrata facie concluditur, portaque una *Mikell-barre*, id est, *Porta*
Zzzzz 2 magna,

Pyramides.

Divels bolts.

Is-urium.

Aldborow.

Eboracum. Yorke.